



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՀԱՏԱԿԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



Ս. ԾՆՈՒՆԴԸ ՄԵՐ ԹԵՄԻՆ ՄԷՋ

ԱՌԱՋՆՈՐԴ ՍՐԲԱԶԱՆ ՀՕՐ Ս. ԾՆՆԴԵԱՆ ԸՆԹԻՔԸ ՆՈՐ ՆՈՒԱՃՈՒՄ՝ ԱԶԳ. ԱՌԱՋՆՈՐԴԱՐԱՆԻ ՏԱՐԵԳՐՈՒԹԵԱՆՑ ՄԷՋ

**- ԳԱՊԱՅԵԱՆ ԲԱՐԵՐԱՐ ԱՄՈՒԸ 500,000 ՏՈՒՆԱՐ ԿԸ ՆՈՒԻՐԷ
Ս. ՆԱՀԱՏԱԿԱՑ ԱԶԳԱՅԻՆ ՆԱԽԱԿՐԹԱՐԱՆԻՆ**

**- ՆԱԽԱԿՐԹԱՐԱՆԸ ՊԻՏԻ ԿՈՉՈՒԻ «ԱԶԳ. Ս. ՆԱՀԱՏԱԿԱՑ ՄԱՐԻ
ԳԱՊԱՅԵԱՆ ՆԱԽԱԿՐԹԱՐԱՆ»**

Տարեմուտին յաջորդող հայկական Ս. Ծննդեան տօնը առիթ է հոգեկան ու հաւաքական վերածնունդի, վերանորոգութեան ու մեր եկեղեցական ու ազգային ժառանգութեանց հաւատարմութեան վերահաստատումի: Եւ ինչպէս նախընթաց տարիներուն, այս տարի եւս, այս տօնը նշուեցաւ օրուան յատուկ արարողութիւններով ու թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի Ս. Ծննդեան ընթրիքով: Արարողութիւններն ու տօնախմբութիւնը առիթ եղան հաղորդ մնալու մեր դարաւոր աւանդութեանց հետ, ինչպէս նաեւ՝ նոր տարուան առիթով բարեմաղթութիւններու փոխանակման եւ նոր յոյսերով լիցքաւորուելու:

Տօնի ոգին մեր ժողովուրդը իր մթնոլորտին մէջ պարուրեց Երեքշաբթի, 5 Յունուարի երեկոյէն սկսեալ, ու տարածուեցաւ յաջորդ երկու օրերուն վրայ: Արդարեւ, 6 Յունուարի առաւօտուն, հանդիսաւոր Ս. Պատարագ եւ ջրօրհնէքի հոգեպարար արարողութիւն տեղի ունեցան մեր եկեղեցիներուն մէջ: Նոյն օրը, երեկոյեան, Մոնթեպելլոյի Ս. Խաչ Մայր Տաճարին կից «Բաղրամեան» սրահին մէջ տեղի ունեցաւ Առաջնորդ Սրբազանին ընթրիքի երեկոն, իսկ Հինգշաբթի, 7 Յունուարին, մեր ժողովուրդը իր յարգանքը մատուցեց ննջեցեալներուն ու աղօթքով խոնարհեցաւ անոնց յիշատակին առջեւ:

ՃՐԱԳԱԼՈՅՑ ԵՒ Ս. ԾՆՈՒՆԴ

Երեքշաբթի, 5 Յունուարի երեկոյեան, մեր եկեղեցիներուն մէջ տեղի ունեցաւ ճրագալոյցի արարողութիւն եւ Ս. Պատարագ: Առաջնորդ Սրբազանը Ս. Պատարագ մատուցեց Ս. Նահատակաց եկեղեցւոյ մէջ: Հաւատացեալները ունկնդիր եղան դպիրներու կողմէ կատարուած Ս. Գրային հատուածներու ընթերցման: Ս. Պատարագի աւարտին, հոգեւոր հայրերը ժողովուրդին տուին Զրիստոսի Ս. Ծննդեան աւետիսը:

Չորեքշաբթի առաւօտուն, ու հակառակ աշխատանքի օր ըլլալուն, մեր եկեղեցիները կր գտնուէին տօնական մթնոլորտի մէջ: Հանդիսաւոր Ս. Պատարագէ ետք, տեղի ունեցաւ ջրօրհնէքի արարողութիւն, առ ի յիշատակ՝ մեր Տիրոջ Յիսուս Զրիստոսի մկրտութեան: Առաջնորդ Սրբազանը Ս. Պատարագ մատուցեց Կլենտէլի Ս. Աստուածածին եկեղեցւոյ մէջ ու իր պատգամին մէջ խօսեցաւ Ս. Ծննդեան տօնի անժամանցելի թելադրանքներուն ու մարդկութեան բերած յոյսին մասին: Արարողութիւններէն ետք, հաւատացեալները օրհնուած ջուր տարին իրենց տուները, Տիրոջ պարգեւած բժշկութիւնն ու խաղաղութիւնը տանելով իրենց հետ:

ԱՄԱՆԴԱԿԱՆ ԸՆԹՐԻՔԻ ԵՐԵԿՈՆ

Նոյն օրը, երեկոյեան, Սոնթպելլոյի Ս. Էսաչ Մայր Տաճարի »Բաղրամեան« սրահին մէջ տեղի ունեցաւ Առաջնորդ Սրբազանին Նոր Տարուան եւ Ս. Ծննդեան աւանդական ընթրիքի ձեռնարկը, որ իբրեւ նորագոյն նուաճում արձանագրուեցաւ մեր Թեմի տարեգրութեանց մէջ, պսակուելով բացառիկ յաջողութեամբ:

Ձեռնարկը նախաձեռնութիւնն էր Թեմիս Կրօնական Ժողովին ու Ազգային Վարչութեան, կազմակերպուած՝ Ազգ. Առաջնորդարանի Տիկնանց Օժանդակ Մարմինին կողմէ: Այս տարուան հիւրընկալութիւնը միասնաբար յանձն առած էին Տէր եւ Տիկին Յարութ եւ Զրիսթինա Չափարեան, Տէր եւ Տիկին Յակոբ եւ Հերա Չափարեան եւ Տէր եւ Տիկին Գեորգ եւ Թրէսի Հացպանեան ամուլները (China Pearl):

Ընթրիքի երեկոն սկսաւ Առաջնորդ Սրբազան Հօր ու հոգեւորականաց դասուն թափօրով. մոմեր ի ձեռին, անոնք Զրիստոսի Ս. Ծնունդը ներկաներուն աւետեցին «Խորհուրդ մեծ եւ սքանչելի» եւ «Այսօր տօն է Ս. Ծննդեան» շարականներով: Ներկաները, իրենց կարգին, իրենց ձեռքերուն վառած մոմերով լուսաւորեցին սրահը եւ խորհրդաւոր մթնոլորտի մէջ ձայնակից եղան աւետիսին: Բարձր. Տ. Եփրեմ Արք. Թապագեան ընթերցեց Յիսուսի Ս. Ծննդեան մասին Դուկասի Աւետարանի հատուածը: Ապա, տեղի ունեցաւ աւանդական Թաթախի արարողութիւնն ու սեղաններու օրհնութիւնը: Առաջնորդ Սրբազանը նաեւ կատարեց օրուան հիւրընկալներուն կողմէ ներկայ տիկիններուն նուէր տրուած մարգարտեայ խաչերուն օրհնութիւնը, յայտնելով, որ անոնք նուէր կը տրուին ներկայ բոլոր կանանց, սկստի ունենալով, որ Վեհափառ Հայրապետը 2010 տարին հռչակած է Հայ Կնոջ Տարի:

Ընթրիքին ներկայ էին աւելի քան 600 հիւրեր եւ ազգայիններ, որոնք օրուան խորհուրդին համապատասխան մթնոլորտի մէջ գիրար 2 նորհաւորեցին ու բարեմաղթութիւններ փոխանակեցին:

Հիւրերուն շարքին էին Հայաստանի Հանրապետութեան գլխաւոր հիւպատոս Գրիգոր Յովհաննիսեան, Ազգ. Կեդրոնական Վարչութեան անդամներ Տեարք Խաժակ Տիքիճեան եւ Վահէ Եագուպեան, Զ.Յ.Դ. Բիւրոյի անդամ Դոկտ. Վիգէն Յովսէփեան, Կեդրոնական Կոմիտէի ներկայացուցիչ Տիար Աւետիք Իզմիրլեան եւ անդամներ, Հայ Դատի, ՀՕՄԻ, Հ.Ս.Ը.Մ.Ի, Համազգայինի Կեդրոնական եւ Շրջանային Վարչութեանց ներկայացուցիչներ, հայկական միութեանց ու կազմակերպութեանց ներկայացուցիչներ, Հայաստանի նախկին արտաքին գործոց նախարար Տիար Րաֆֆի Յովհաննիսեան, Լոս Անճելըսի քաղաքապետական խորհուրդի նորընտիր անդամ Տիար Փօլ Գրիգորեան, համալսարանական ու պետական վարժարաններու համակարգի դասախօսներ, Թեմիս Ազգային Վարչութեան, Ազգ. Վարժարաններու Խնամակալ Մարմինի, ծխական շրջաններու հոգաբարձութեանց եւ ժողովականութեան ներկայացուցիչներ, բարերարներ ու Ազգ. Առաջնորդարանի առաքելութեան զօրակից բարեկամներ եւ մամլոյ ու պատկերասփիւռի ներկայացուցիչներ:

Օրուան հանդիսավարը, Արժ. Տ. Վազգէն Քհնյ. Աթմաճեան, ձեռնհասօրէն վարեց յայտագիրը՝ իր պաշտօնական արտայայտութիւններու եւ մշակութային-գեղարուեստական բաժիններով: Ան առաջին հերթին բեմ հրաւիրեց Ազգ. Առաջնորդարանի Տիկնանց Օժանդակ Մարմինի փոխ ատենապետուհի Տիկին Ծովիկ Չէյթլեանը, որ երեկոյին կազմակերպիչ մարմինին անունով ողջոյնի խօսք արտասանեց ու բարի վայելում մաղթեց ներկաներուն ու հիւրերուն:

Ողջոյնի ու բարեմաղթութեան խօսք արտասանեց նաեւ Ազգ. Վարչութեան ատենապետ Դոկտ. Կարօ Յակոբեան: Ան իր կարգին ողջունեց պաշտօնական հիւրերն ու ներկաները, նշելով, որ Հայկական Ս. Ծնունդը կը յատկանշուի իբրեւ մեր ազգային ու եկեղեցական աւանդութեանց ուխտի վերանորոգման օր: Ան յիշեցուց, որ 2009 տարին որոշ դժուարութիւններով յատկանշուած էր նաեւ մեր ազգային կեանքին մէջ եւ յոյս յայտնեց, որ նոր տարին բարիք ու յաջողութիւն բերէ բոլորին: Դոկտ. Կ. Յակոբեան հակիրճ կերպով անդրադարձաւ Ազգ. Առաջնորդարանի առաքելութեան, նշելով, որ անհկա կը շարունակուի ժողովրդանուէր եւ ուսումնական կալուածներու մէջ, Առաջնորդարանիս հովանիին տակ գործող վարժարանները նոր սերունդին կը ջամբեն հայութիւն ու ազգային աւանդներ: Ան յոյս յայտնեց, որ Կլենտէյլի մէջ նոր երկրորդական վարժարանի մը հաստատման ծրագիրը յաջողութեամբ պսակուի յառաջիկային, ապա, գոհունակութեամբ վեր առաւ Լաս Վեկասի ծխական համայնքին իրագործումը՝ սեփական եկեղեցի մը ունենալու համար կալուածի մը ձեռք բերումը: Խօսելով Ազգ. Առաջնորդարանի յարկին տակ կատարուող աշխատանքներուն մասին, ան վեր առաւ յանձնախումբերուն, Տիկնանց Օժանդակ Մարմինին, անձնակազմին ու CASPSի ներդրումները, եւ իր խօսքը եզրափակեց կոչ ուղղելով Ազգ. Առաջնորդարանի բարերարներուն ու գործակիցներուն, որ նուիրեալ աշխատանքը շարունակուի նաեւ յառաջիկային, ի խնդիր մեր Դատին ու ազգային կեանքի վերելքին, որովհետեւ »դուք էք Ազգ. Առաջնորդարանի գործին յենարանն ու նեցուկը« եզրակացուց ան: Նոր տարուան համար, ան յատուկ բարեմաղթութիւն ուղղեց Առաջնորդ Սրբազանին:

ՎԵՅԱՓԱՌ ԳԱՅՐԱՊԵՏԻՆ ՊԱՏԳԱՄԸ

Պաստառի վրայ ցուցադրուեցաւ Մեծի Տանն Կիլիկիոյ Ս. Աթոռի գահակալ Ն.Ս.Օ.Տ.Տ. Արամ Ա. Կաթողիկոսին շնորհաւորանքի ու բարեմաղթութեանց պատգամը:

Առաջնորդ Սրբազանին ու անոր շուրջ խմբուած ներկաներուն նոր տարին ու Ս. Ծննդեան տօնը շնորհաւորելու կողքին, Վեհափառ Հայրապետը յատուկ կարեւորութեամբ վեր կ'առնէր 2010ը Հայ Կնոջ ձօնուած ըլլալու իրողութիւնը, շեշտելով, որ Հայ Կինը դարերու ընթացքին ու այսօր, այրերու կողքին համահաւասար դեր ունեցած է իբրեւ ընտանիքի սին ու դաստիարակ: Ան նաեւ հանգամանօրէն կանգ կ'առնէր Կաթողիկոսութիւնն ու թեմերու ժողովրդանուէր ծառայութիւններուն վրայ, նշելով, որ անիկա կը հետեւի Զրիստոսի քայլերուն, տրուած ըլլալով, որ Զրիստոսի աշխարհի առաքելութեան եութիւնը մարդկութեան ծառայութիւնն էր: Վերջապէս, գնահատանք կ'արձանագրէր մեր Թեմին անցեալ տարուան իրագործումներուն համար, մաղթելով, որ աշխատանքը շարունակուի նոյն թափով ու կորովով:

ՀԱՅԱՍՏԱՆԻ ԳԼԽԱՒՈՐ ՀԻՒՊԱՏՈՍԻՆ ՈՂՋՈՅՆԸ

Ողջոյնի հակիրճ խօսք արտասանեց Հայաստանի գլխաւոր հիւպատոս Տիար Գրիգոր Յովհաննիսեան: Ան Հայաստանի կառավարութեան ու իր անունով շնորհաւորեց բոլորին նոր տարին, մաղթելով յաջողութիւն, քաջամողջութիւն եւ համերաշխութիւն՝ թէ՛ Հայաստանի եւ թէ՛ Սփիւռքի մէջ:

ԳԵՂԱՐՈՒԵՍԱԿԱՆ ԲԱԺԻՆ

Յայտագիրը ուներ նաեւ գեղարուեստական բաժին:

Մուտքին, ապա նաեւ ընթրիքի պահուն, «Տօնական» նուագախումբը ներկայացուց ժողովրդային երաժշտութիւն:

Յայտագիրին հիմնական բաժինը վստահուած էր Ազգ. Առաջնորդարանի «Լուսաւորիչ» երիտասարդաց երգչախումբին, ղեկավարութեամբ Հոգ. Տ. Պարթեւ Վրդ. Կիլիւմեանի: Երգչախումբին Ս. Ծննդեան երգերուն՝ դաշնակի վրայ ընկերացան Արմենուհի Տերտերեան, իսկ ջութակով՝ Արմինէ Ներկարարեան ու Ռաքել Չապունեան: Երգչախումբը կատարեց «Լուռ գիշեր», «Ով գարմանալի», «Այսօր ձայնն հայրական» եւ «Չանճառելի Լուսոյ Մայր» շարականները, իսկ աւարտին ներկաները առաջնորդեց «Կիլիկիա» եւ «Ի վեհ բարձանց» մաղթերգներով: Էտնա եւ Էլենա Զարիմեանները մասնակցութիւն բերին զուգերգով, իսկ Մէյրի Մելքոնեան կատարեց մեներգ մը:

Համագգայինի Օրէնճ Զառնիկի «Երագ» պարային դպրոցի աշակերտները, ղեկավարութեամբ Փրլի Վարժապետեանի, մթնոլորտը խանդավառեցին հայկական պարերով:

ԱՌԱՋՆՈՐԴ ՍՐՔԱՉԱՆԻՆ ՊԱՏՉԱՍԸ

Երեկոյին եզրափակիչ խօսքը արտասանեց Առաջնորդ Սրբազանը: Ան առաջին հերթին անդրադարձաւ Ս. Ծննդեան պատմական դէպքին ու խորհուրդին եւ այժմեական պատգամներուն մասին: Ապա շնորհակալութեան ու երախտագիտութեան խօսք ուղղեց Վեհափառ Զայրապետին, Ազգ. Առաջնորդարանի առաքելութեան նեցուկ կանգնող բարերարներուն ու ազգայիններու, անդրադարձաւ անցեալ տարուան ընթացքին Ազգ. Առաջնորդարանի հովանիին տակ տեղի ունեցած կարելոր իրագործումներուն, որոնց կարգին՝ Լաս Վեկասի ծխական համայնքին կողմէ սեփական կալուածի մը ձեռք բերումը, նպատակ ունենալով եկեղեցւոյ մը ու մշակութային կեդրոնի մը կառուցումը:

Առաջնորդ Սրբազանը շնորհակալութեան եւ երախտագիտութեան խօսք ուղղեց Լինսի հաստատութեան հիմնադիրին ու պատասխանատուներուն, նկատի ունենալով, որ Լինսին վերջերս Ազգային Վարժարաններուն կատարեց ընդամենը մէկ միլիոն տոլարի նուիրատուութիւն:

Առաջնորդ Սրբազանը, ի շարս այլ անակնկալներու, գեղեցիկ անակնկալ մը ուներ ներկաներուն ու մեր ժողովուրդին: Ան յայտարարեց, որ Սան Ֆրանսիսքոյի Ծովածոցի շրջանի ազգայիններէն՝ Տէր եւ Տիկին Տոքթ. Վաչէ եւ Շուշիկ Գապայեան ամուլը 500,000 տոլարի իշխանական նուիրատուութիւն մը կատարած է Ֆերահեան Երկրդ. վարժարանի Ս. Նահատակաց նախակրթարանին: Այս ուրախ առիթով, Առաջնորդ Սրբազանը, յանուն Թեմիս Ազգային Վարչութեան, Ազգ. Վարժարաններու Խնամակալ Մարմինին, վարժարանի տնօրէնութեան եւ Ուսումնական Մարմինին, պաշտօնապէս յայտարարեց, որ վարժարանին նախակրթարանի բաժինը այսուհետեւ պիտի կոչուի «**ԱԶԳ. Ս. ՆԱՅԱՏԱԿԱՅ ՄԱՐԻ ԳԱՊԱՅԵԱՆ ՆԱՆԱԿՐԹԱՐԱՆ**», ի յիշատակ բարերար ամուլի մօր: Ան իր խօսքը եզրափակեց բարեմաղթութիւններ ուղղելով ներկաներուն, մեր ժողովուրդին եւ հայրենիքին: (Առաջնորդ Սրբազանին խօսքը տեսնել առանձին:)

PRELATE'S NEW YEAR AND CHRISTMAS DINNER CULMINATES WITH GREAT SUCCESS

- CABAYAN FAMILY DONATES \$500,000 TO HOLY MARTYRS ELEMENTARY
- ELEMENTARY WILL BE RENAMED "HOLY MARTYRS MARIE CABAYAN ELEMENTARY SCHOOL"

At the start of the New Year, Armenians worldwide prepared to celebrate the Nativity and Epiphany of our Lord Jesus Christ. This glorious feast was ceremoniously celebrated within the Western Prelacy with church services and the Prelate's Traditional New Year and Christmas Dinner.

The celebration began on Tuesday, January 5th, 2010, Christmas Eve, with evening services and Divine Liturgy. H.E. Archbishop Moushegh Mardirossian, Prelate, celebrated Divine Liturgy and delivered the sermon at Holy Martyrs Church in Encino.

On Wednesday morning, the Prelate celebrated Christmas Divine Liturgy and delivered the sermon at St. Mary's Church in Glendale. At the conclusion of the Liturgy the Prelate conducted the blessing of water ceremony symbolizing the baptism of our Lord.

In the evening, the Prelate's Traditional New Year and Christmas Dinner took place at "Bagramian" Hall of Holy Cross Cathedral in Montebello. This year's dinner was hosted by Mr. and Mrs. Harout and Christina Jabarian, Mr. and Mrs. Hagop and Hera Jabarian, and Mr. and Mrs. Kevork and Tracy Hasbanian.

The evening began with the procession of clergy, headed by the Prelate, into the hall, candles in hand and collectively singing Christmas hymns. H.E. Archbishop Yeprem Tabakian read the passage from the Gospel of Mark telling of the Glorious Birth of Christ, after which the blessing of tables took place. The Prelate then announced that in honor of 2010 being declared the Year of the Armenian Woman by H.H. Catholicos Aram I, the evening's hosts had donated pearl crosses to be given to all the women present, and proceeded to bless the crosses.

Over 600 guests had gathered for the dinner, among them the Consul General of Armenia Grigor Hovhannisyan, Central Executive members Mr. Khajag Dikijian and Mr. Vahe Yacoubian, ARF Bureau member Dr. Viken Hovsepian, ARF Central Committee Chair Mr. Avedik Izmirlian and members, representatives of ANC, ARS, Homenetmen, and Hamazkayin, former Foreign Minister of Armenia Raffi Hovannisian, elected officials, newly elected Los Angeles City Councilman Paul Krekorian, members of the Prelacy Executive Council, Board of Regents, parishes' Boards of Trustees, sponsors, friends, and members of the media.

The official program began with welcoming remarks by Master of Ceremonies Rev. Fr. Vazken Atmajian, after which he invited Ladies Auxiliary Vice-Chair Mrs. Dzovig Zetlian to deliver her remarks on behalf of the Ladies Auxiliary.

Executive Council Chair Dr. Garo Agopian was then invited to deliver his remarks. After welcoming the guests, Dr. Agopian briefly touched upon the spiritual significance of Armenian Christmas as a time of renewal of our faithfulness to our religious and national values and traditions. Reflecting on the difficulties experienced in the year 2009, he conveyed his wishes for a new year filled with prosperity and successes. Dr. Agopian then went over the general activities of the Prelacy in the past year and the endeavors of the committees that serve under the jurisdiction of the Prelacy, concluding by calling on all to continue their devoted work and service to our church, our cause, and our nation.

Guests then watched the taped message of H.H. Catholicos Aram I in which His Holiness emphasized the significance of dedicating this year to the

Armenian woman given that throughout history, Armenian women have been fundamental pillars of our families and nation. Speaking of the mission of the Catholicosate and its Dioceses, His Holiness stated that the work carried out by the Armenian Church follows the example set by Jesus Christ, Whose earthly mission was to serve man. His Holiness concluded by commending the Prelacy's previous year's activities, and wished success for future endeavors.

Remarks were also delivered by Consul General Grigor Hovhannisyan. On behalf of the leadership of Armenia, the Consul General conveyed his well wishes for a new year filled with success and harmony for all Armenians, in Armenia and the Diaspora.

The evening also included a cultural program. Throughout the night, guests enjoyed traditional Armenian music presented by the "Donagan" band. The Prelacy "Lousavorich" youth choir, led by Very Rev. Fr. Barthev Gulumian, participated in the program with a series of Christmas carols and hymns. The choir was accompanied by Armenouhi Derderian on the piano, and Armine Nerkararyan and Raquel Zabounian on the violin. A duet was sung by Edna and Elena Karimian, and a solo song presented by Merri Melkonyan. The Orange County Hamazkayin "Yeraz" dance group also participated with two dances.

The Prelate was then invited to deliver his message, which he began by reflecting on the circumstances of the Birth of Christ and the timeless messages that accompany His Glorious Nativity and Theophany. He conveyed his gratitude to His Holiness for his paternal guidance, and also his appreciation to Prelacy supporters and friends for their contributions to the advancement of our mission. The Prelate went over some of the highlights from the previous year, most notably the purchase of a property by the Las Vegas parish which will house the future church and cultural center.

The Prelate also expressed his thanks and gratitude to the administration of The Lincy Foundation, who recently made a donation of one million dollars to Prelacy Schools.

The Prelate then announced that he had another surprise, announcing that San Francisco Bay area residents Dr. and Mrs. Vatche and Shoushig Cabayan had donated \$500,000 to Holy Martyrs Elementary School and Ferrahian High School. On behalf of the Executive Council, Board of Regents, and the school administration and board, the Prelate officially announced that the elementary school will be renamed "**HOLY MARTYRS MARIE CABAYAN ELEMENTARY SCHOOL**" in honor of the donor's late mother. The evening concluded with the benediction by the Prelate.